



15647 kat.komp.

I Mag. St. Dr.





156471

Biblioteka Jagiellońska



stdr0017168



15647

I

P

*capitulum monasterii: Quacstus de purgatione
canonica*

15647

2341 Prawo.

Q V Æ S T I O D E P V R G A T I O N E C A N O N I C A.

Quam

Præsidente Clarissimo Domino,

D. ANDREA PETRICOVIO,
I. V. DOCTORE, ET PROFES-
sore Ordinario, Eq. Aurat. Conf. Crac.

*Pro ingressu ad primam Lauream in V. I. ad dispu-
tandum proponet*

M. STANISLAVS CZAPLIC,
Senior Contubernij Iuristarum.

*In Collegio DD. Iurisconsultorum, Die 26. Maij.
Hora 7. Anno 1637.*

CRACOVIAE,


Ex Officina Typographica Francisci Casarij.



*Crux infernales replet formidine turmas,
Hæc terrent hostes Stemmata iuncta cruci.*

15647 I

THECA
AGELL.
GRACOVENSIS



Illustrissimo Domino,

D. S T A N I S L A O

á Koniecpole,

K O N I E C P O L S K I.

Castellano Cracouiensi. Supremo

Exercituum Regni Poloniae Duci, Busceñ. Baren.

Kouleñ. Pereaslauieñ. Ploskirouiñ. &c.

C A P I T A N E O.

Domino & Benefactori Colendissimo.



GRACOVENSIS



*E*gum & armorum parem in Republica necessitatem Plato diuinus existimauit, Illustrissime Domine, quod istorum firmitate utrumque belli & pacis tempus recte & feliciter transigatur. Idcirco V. Illustriss: Celsit. quæ recte legibus in pace sciendi ut prudens Senator, & rei bellicæ gloriose tractanda ut fortis Imperator præstet, hanc de Purgatione Canonica disceptationem statui consecrare. Scio quantum mea permisset fidei, cum unicum suum Illustrrem Dominum Alexandrum

drum spem inclytæ Familiae crediderat educandum. Quod officium ab Illustriss: Celsitud. V. mihi impositum, ita connitebar sustinere, ut profectus eius in moribus & literis pro imbecilla ætate abunde nosceretur. Cum verò meæ vitæ & instituti rationes illum Principem iuventutis Polonæ sequi non permisissent, ad Academiam rediens, gratiæ & liberalitatis mihi abunde præstitæ, ab Illustriss: Celsit. V. obliuisci nec possum nec debeo; Sed me Illustriss: Cels. V. atq; Illustr: Domino Alexandro vel hoc publico testimonio obnoxium recognosco. Non feret grauatim amplissimum nomen suum, tanquam titulum insignem huic meæ præfigi concertationi iuridicæ, quam similium inter Musas aliquando occupationum, iucunda vsq; adhuc delectat memoria. Quamobrem cum Heroicas virtutes Celsit. V. vel hoc exiguo veneror opusculo, accipiat obnixè rogo Illustr: Cels. V. & me veteri illa foueat benignitate, etiam in hoc loco Academico, in quo me Deus & industria quantacunq; collocauit, Sux Familix Amplissimæ perpetuum obsidem agnoscat. Deum Opt: veneror pro diuturna Cels. V. incolumitate, vnde Ecclesia & Respub. habeat inclytum præsidium. Crac. 16 Maij-

Illustriss: Celsitud. V.

deuotissimus Cliens,

M. Stanislaus Czáplic, Con-
tub. Iuriss. Senior.

QVÆSTIO

Ad c. Extuarum *Extr. de Purg. Can.* Iuncta
Auth. Nouo iure. *C. de Pena Iud. qui malè iud.*

V Non obstante vulgari Purgatione, per Monomachiam, ferrum candens, aquam frigidam aut bullientem factâ; laborans publicâ infamiâ, in defectu Accusatoris, vel probationum, possit ac debeat compelli auctoritate iudicis ad purgationem Canonicam; ita vt si in ea deficiat inculpatus, perinde sit puniendus, ac si de crimine conuictus, aut iudicialiter confessus fuisset, necne?

A CON-

CONCLUSIO I.

Purgatio vulgaris, etsi quandoque occulta aliorum crimina, aut innocentiam manifesta-uerit: meritò tamen Sacrorum auctoritate Canonum, velut periculosa, & superstitioni obnoxia, sublata est omnino ac prohibita.

COROLLARIA.

1. *Poculum execrationis, quo Moyses ad inuestigandum adulterium in veteri Testamento vti preceperat, aut quidquam illi simile, non est in nouo ullatenus permiffum.*
2. *Aqua tam frigida quàm feruens, nullam ex se vim habet, ad detegendum crimen, vel probandam innocentiam alicuius: damnandaq; est consuetudo explorantium maleficas si innatent aut immergantur aquis, certo modo ligate.*
3. *Vt ignis aut ferrum candens, ad probandam innocentiam vsurpari non debet: ita neq; iuramentum super bombardam instructam atque oneratam, quod apud nos plerique perperam faciunt.*

4. *Qui obiectum sibi crimen, Monomachia, siue per se, siue per campionem oblata vult expurgare, non est audiendus: nec Statutum, aut consuetudo in contrarium obtinere potest.*
5. *Potest tamen Princeps in casu extraordinario v.g. ut belli iusti compendium faciat, duellum, vel paucorum conflictum permittere: non item ad ostentandum robur militum, aut oblectandi se gratia.*

CONCLUSIO II.

Quamuis diffamatus purgauerit se quocunque ex dictis modo: per hoc tamen non absol- uendus, sed compellendus est ad Canonicam Purgationem, etiamsi accusator defuerit, aut in probationibus defecerit.

COROLLARIA.

1. *Ad hoc ut indicatur purgatio canonica, necesse est precedere diffamationem apud honestos & probos, ex verisimilibus signis aut coniec- turis non ab inimicis ortam.*

2. *Vbi notoriè constat de crimine & delinquente, aut probationes sunt plene, nō est locus purgationi canonica; ridiculaq; est consuetudo quorundam, apud quos si rem furto ablatam manu quis teneat, & offerat purgationem, etiam si testes ad probandum sint parati, euadat nihilominus iuramento.*
3. *Propter solam delinquendi voluntatem, non est indicenda purgatio canonica: nisi hac voluntas transierit in aliquem actum externum.*
4. *Non solū principali diffamato indicenda est purgatio, sed etiam consentienti & complici.*
5. *Quando contra inculpatum extant aliqua indicia, vel testis omni exceptione maior, non est illi deferenda purgatio, ut voluit Iason: sed querendum aliquid in supplementum probationis aut aliter indaganda veritas.*

CONCLUSIO III.

Qui se canonicè purgauit de aliquo crimine, non potest ex ijsdem indicijs aut infamiâ iterum accusari; siue purgatio indicta fuerit præcedente accusatione, siue non.

C O R O.

COROLLARIA.

1. *Etiam si nullus Accusator extiterit, potest Iudex indicere alicui purgationem canonicam: dummodo diffamatus sit aut immineat scandalum.*
2. *Quoties nova exoritur diffamatio, aut indicia contra aliquem de nouo prodeunt, potest non obstante Canonica purgatione priori, de eodem crimine iterum inquisitio vel accusatio institui.*
3. *Contra absolutum sub conditione, vel ab instantia iudicij, potest admitti accusator: qui si in probatione defecerit, potest Canonica purgatio decerni.*
4. *An Canonica purgatio solum in delictis & criminibus, an verò etiam in causis civilibus locum habeat? Problema esto.*
5. *Ius Civile in quibusdam criminibus magis rigidè obseruat purgationem per iuramentum, quàm Ius Canonicum.*

CONCLUSIO IV.

Deficienti in purgatione infamato, debet Iudex infligere pœnam crimini debitam, perinde ac si conuictus vel iudicialiter confessus esset : inspecto tamen modo procedendi, num per accusationem, vel inquisitionem crimen sit in iudicium deductum.

COROLLARIA.

1. *Tam is qui non vult acceptare iuramentum purgationis, quàm ille qui non potest prestare (fortè ob defectum compurgatorum) deficit in purgatione canonica.*
2. *Mitiùs tamen puniendus qui est contumax in suscipienda, quàm ille qui deficit in prestanda.*
3. *Compurgatorum conditio & numerus, ex qualitate infamati & criminis æstimari debet : omnes tamen debent esse probi, honesti, & fide digni, qui vitam & conuersationem infamati norint.*

4. Po-

4. *Potest interdum quis seipsum purgare sine aliquibus sui ordinis, si omnes alij sunt inimici eiusdem ordinis.*
5. *Diffamatus iurare debet de veritate, quòd non commiserit crimen obiectum: compurgatores de credulitate, quòd probabiliter credant illum recte iurâsse.*





Sub felici auspicio
Adm: Reuerendi & Magnifici Domini,
D. DANIELIS SIGONII, S. T. D. &
Profess. Canonici Crac. Almæ Vniuersi-
tatis Academiæ Crac. Rectoris
vigilantissimi.



&

~~Amesbury, N. H. 1852~~

Amesbury, N. H. 1852



